



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

18. Epiphanivs Episcopus ex duobus competitoribus absque iniustitia digniori præfert dignum ad beneficium curatum.

urn:nbn:de:hbz:466:1-40942

tes de Religione ineunda matrimonium contrahant, & tamen hoc à iure consideratur, cùmque hoc in favorem magnum sit, meritò ad prædictum casum, quo cogitatio de Religione coningibus saltem venire potest, consideratio hæc iuris extenditur.

XVIII. Epiphano Episcopo ad beneficium curatum in sua diœcesi valde insigne duo se sìstunt competitores, vterque revera dignus, alter tamen altero dignior. Quæritur. Vtrum Epiphanius, quem velit, ex his eligere posse ad beneficium illud curatum?

Videtur teneri eligere digniorem. Ita Cajet. Navarr. Ledesma, Covarr. Azor, Vasq. Turtian. Less. Palao, & plures alij, quos citant, & sequuntur Card. de Lugo de Iustit. D. 35. num. II. Barbosa in Collect. Tom. I. L. I. tit. 6. cap. 19. n. 4. & Pax Iordanus prælud. 12. suarum elucubrat. Moventur tum Authoritate Concilij Triden. sess. 24. de Reform. c. 1. Innocent. III. cap. vnic. de benef. & D. Thom. 22. q. 63. art. 2. ad 3. Tum ratione, quia ex iure naturali & iustitiâ distributivâ tenetur Elector consulere bono communi, & eius mala impedit, id quod non facit, præferendo dignu digniori.

Resp. Non improbabile esse, Epiphanius absque graviore peccato posse, quem velit, ex his eligere, & dignum etiam præferre digniori in conferendo beneficio curato, Ita Glossa,

Hugo,

Hugo, Perusin. & Io. Andreas apud Thom.
 Sanchez Consil. moral. L. 2. c. 1. dub. 2. n. 15.
 Rochus de Iure Patronatus. V. Honorificum. q.
 15. ad fin. & alij apud Dian. p. 2. Tr 15. Resol.
 40. Cæsar Lambertinus apud Dicastillo de
Iust. Tr. D. 8. num. 102. Sotus & nonnulli ta-
 cito nomine allegati apud Pacem Iordanum.
loc. cit. n. 2. Alexand. Alens. part. 2. q. 136. §. 2.
 relatus à Lugone *loc. cit. n. 10.* Denique hanc
 sententiam absolutè probabilem censet Fili-
 uc. Tom. 3 Tr. 41. c. 4. n. 181. Prob. 1. Quia
 bonum Ecclesiæ plus non postulare videtur,
 quām vt talis eligatur, qui debitā beneficij cu-
 rati gubernationē gerere possit. Atqui istud
 potest dignus; imò dignior non tenetur ad
 plus, quām quod dignus præstat. Ergo eligen-
 do dignum præ digniore nihil fit contra bo-
 num commune Ecclesiæ. Prob. 2. Quia ad
 beneficia Ecclesiastica simplicia potest dignus
 eligi, neglecto digniore, vt docent vterque
 Navarr. Arrag. Ledesm. Gutierrez, & alij,
 quos citat & sequitur Sanch. *loc. cit. n. 20.*
 Item Patronus laicus, qui non est primus fun-
 dator beneficij, non tenetur præsentare dig-
 niorem, vt tradunt Molin. Azor, Less. Vasq.
 Gutierrez apud Pacem Iordanum *loc. cit. n. 10.*
 quorum opinionem ipse probabilem censet.
 Demum Papa & Reges in collationibus li-
 beris non obligantur inquirere digniorem, &
 hunc præferre, vt docet Reginald. Tom. 2.

L. 30. Tr. 3 cap. 14. n. 197. cuius sententiam probabilem censet Dian loc. cit. in fin. & ferè Barbos. c. 2. cit. num. 99 & Iordanus loc. cit. num. 26. Ergò etiam Epiphanius Episcopus ad beneficium curatū potest eligere dignum præ digniore; nam Concil. Trid. Ius naturale, Iustitia distributiua vel æquè stant contra hæc omnia, vel nulli eorum magis obstant, ut ipsa Authorum inter se diversitas satis ostendit. Probat. 3. Quia Prælati in virtute & doctrina conspicui passim consanguineis, & familiaribus suis, vel alijs etiam beneficia & quidem pinguis conferunt, si modò digni sint; esto adsint alij digniores, quos nemo idcirco grauioris peccati damnat. Subintelligendum tamen in his omnibus, nisi ex iuramento, statuto, lege vel aliunde electio dignioris sit facienda; quod respicientes aliqui ex adductis AA. variè in diuersis locis loqui videntur.

Ad primum id contrarium dicimus. Trident. Innocent. III. & S. Thomam loqui de electione Episcoporum, ut præter alios docet Filliuc. loc. cit. imò nemo est ex Adversarijs, qui non fateatur, suam sententiam inde eruitantum, non autem ex claro textu haberi. Ad secundum. Electorem neque ex jure naturali, neque ex iustitiâ distributiâ teneri, præferre dignorem; non ex jure naturali, quia hoc plus non exigit, quam ut officio curato ritè prospiciatur;

prospiciatur, quo facto, sufficiēter bono communi consulitur, & malum impeditur, aliās etiam beneficijs simplicibus, & in liberis collationibus à Papa & Regibus dignior semper esset præficiendus, quod et si consequenter alijs qui afferant, plerique tamen negant, ut vidi-
mus: non ex Iustitia distributiva, quia bene-
ficia instituta sunt in bonum Ecclesiæ absque
respectu ad concertantes pro illis, ut fatetur
Lugon. 14. vt proinde dignior nullum inde-
ius habeat, quod proximè vrgeat, ut digno
preferatur. Vnde infertur, nullā incurri obli-
gationem restituendi, si digniori dignus præ-
feratur, de quo Tanner T. 3. D. 4. Q. 8. d. 1.
Dicastillo L. 2. de iust. Tr. 2. D. 8. dub. 5. & alij.

XIX. Equitius vulnus infligit Dasio adeò
grave, vt iftē, dum mortem ille amplius impedire
non potest, ex eo vulnerē moriatur. Quæritur.
Vtrum Equitius, intellectā morte Dasij, satisfaciat
postea in confessione dicendo, se lethale vulnus in-
flicuisse alicui: nullam mentionem faciendo mortis
secutæ?

Videtur non satisfacere. Ita P. Thomas
Sanchez de Matr. L. 9. D. 5. n. 30. Valent. Hen-
tiq. Palao Tr. 2. D. 1. p. 3. n. 7. Arriaga Tom. 3.
D. 45. n. 13. & apud hos alij plures. Tum quia
effectus isti, et si in se non sint liberi, sunt ta-
men extrinsecè liberi, quod sufficit, ut patet
in actu externo. Tum quia aliās nunquam
dabitur obligatio confitendi pollutiones,